



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

Broj:01-2.16-3114/21

Datum:11.10.2021. godine

Direktor JU «Dom zdravlja» Zavidovići na osnovu člana 46. Statuta JU «Dom zdravlja» Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14), d o n o s i

ODLUKU

o izboru najpovoljnijeg ponuđača za nabavku rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova

Član 1.

Ugovor o nabavci rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova, dodjeljuje se ponuđaču Maah d.o.o. Zavidovići.

Član 2.

Ponuda ponuđača Maah d.o.o. Zavidovići, u provedenom konkurentskom zahtjevu za dostavu ponuda, bila je prihvatljiva i imala je najnižu cijenu, te će se ovom ponuđaču ponuditi Ugovor o nabavci rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova, u ukupnom iznosu od **2.507,70 KM bez PDV-a**, što sa PDV-om iznosi **2.934,00 KM**.

Član 3.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 4.

Izabrani ponuđač ne mora dostaviti original ili ovjerene fotokopije dokumentacije iz člana 3. ove Odluke iz razloga jer je u ponudi dostavio ovjerene fotokopije sljedećih dokumenata:

- a) Uvjerenje Općinskog suda u Zavidovićima, br:042-0-Su-21-001019 od 28.07.2021. godine da ponuđač nije osuđen za krivično djelo organiziranog kriminala, korupciju, prevaru ili pranje novca, u smislu člana 45. stav 2. tačka a) Zakona o javnim nabavkama – ovjerena fotokopija od 24.09.2021. godine,
- b) Uvjerenje Poreske uprave FBiH, Kantonalni porezni ured Zenica, Porezna ispostava Zavidovići, br. 13-4/2-12-5-1357/2021 Dž.N. od 27.07.2021. godine, da ponuđač nema duga po osnovu javnih prihoda i poreza i doprinosa za PIO/MIO, zdravstveno osiguranje i osiguranje od nezaposlenosti – ovjerena fotokopija od 24.09.2021. godine,
- c) Uvjerenje Općinskog suda u Zenici, br: 043-0-Su-R I-21-002217 od 27.07.2021. godine, da ponuđač nije pod stečajem niti je predmet stečajnog postupka i nije predmet postupka likvidacije – ovjerena fotokopija od 24.09.2021. godine,
- d) Uvjerenje Uprave za indirektno oporezivanje – Regionalni centar Sarajevo, br. 02/6/II-16-11-20-6545/21 od 27.07.2021. godine, da ponuđač nema dospelih, a neizmirenih obaveza po osnovu indirektnih poreza, ostalih prihoda i такси – ovjerena fotokopija od 24.09.2021. godine,
- e) Uvjerenje suda Bosne i Hercegovine, br. Su:03-5686/21 od 27.07.2021. godine, da protiv ponuđača nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca, a sve u smislu člana 45. stav 2. tačka a) Zakona o javnim nabavkama – ovjerena fotokopija od 24.09.2021. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-3097/21 od 07.10.2021. godine, a u Tenderskoj dokumentaciji, broj: 01-2.12-2912/21 od 22.09.2021. godine, u tački 2.USLOVI ZA KVALIFIKACIJU I POTREBNI DOKAZI, u podtački 2.2., u napomeni je propisano da ponuđač može uz Izjavu -Aneks 4 tj. uz svoju ponudu, odmah dostaviti i tražene dokaze koji su navedeni u izjavi, čime se ponuđač oslobađa obveze naknadnog dostavljanja dokaza ako bude izabran, s tim da dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od trenutka predaje ponude.

Član 5.

Ova odluka stupa na snagu danom donošenja.

Obrazloženje

Obavještenjem o nabavci, broj: 638-7-1-326-3-30/21, koje je objavljeno na portalu javnih nabavki dana 22.09.2021. godine, pokrenut je konkurentski zahtjev za dostavu ponuda za nabavku rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: Maah d.o.o. Zavidovići, Autocentar Beganović d.o.o. Zenica i Strong auto d.o.o. Zenica.

Tendersku dokumentaciju za predmetnu nabavku sa portala javnih nabavki preuzelo je 10 ponuđača i to: MAAH D.O.O. ZAVIDOVIĆI, BBS EUROPE, EKAPIJA DOO, SK-GROUP D.O.O., TOTAL TRADE DOO, AUTOELEKTRA DOO SARAJEVO, GUMA M D.O.O., STRONG AUTO, AUTOCENTAR BEGANOVIĆ DOO I AUTO-MOTOR DOO.

Na adresu JU "Dom zdravlja" Zavidovići dostavljena je 1 ponuda i to: Maah d.o.o. Zavidovići

Komisija za javne nabavke (u daljem tekstu: Komisija) izvršila je otvaranje ponuda dana 04.10.2021. godine u Sali za sastanke u JU «Dom zdravlja» Zavidovići u 09,15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da ponuda ponuđača Maah d.o.o. Zavidovići, odgovara uslovima iz tenderske dokumentacije, odnosno da je prihvatljiva ponuda u ukupnom iznosu od 2.507,70 KM bez PDV-a, što sa PDV-om iznosi 2.934,00 KM.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku nabavci rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano:

“U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavu ponuda za nabavku rezervnih dijelova za popravku službenih vozila JU „Dom zdravlja“ Zavidovići uključujući demontažu starih i montažu novih dijelova, odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

PRIPREMILI:

Smajić Amir, dipl. pravnik

Tursić Amir, dipl. pravnik

DOSTAVLJENO:

1. Maah d.o.o. Zavidovići,
2. a/a.

DIREKTOR:

prim. dr. Halid Muhić